

唐武安节度使陈公墓道记

吾陈氏多祖江州义门义门之族自宋嘉祐间奉勅祈居别为庄百二十有八繇是迁徙偏东南独今湖南所迁支更在宋前盖以唐武安节度使朝祗公为始祖云公讳端字朝祗世居江州唐季旌义门授家长崇长史公之舅弟也父讳克纯登进士第公亦继承进士曹州贼僭伪号唐以墨勅征天下兵公讨贼有功授武安节度使镇潭州封威烈将军史虽未著公行谊勋绩然以族系繁衍昌大卜之必有功德以福兹土之人可知也致仕居长沙歿葬浏阳北乡簪箕坡艮坤兼寅申为兆

配宋氏赵氏皆封夫人附于墓子伯万后裔居潭州者曰沧浪庄斂田庄为尤著光緒二十一年署湖南提督綏靖镇总兵程初君海鹏偕族姓子弟走拜公

墓 岁久失治 交慨于心 于是饰其庳圯 薙其蓬棘 纠工斲石 斩然更新 程初君以宝箴亦义门之裔也 属纪其繇 窃以宝箴德薄 能鲜忝抚是邦 盖去公为节度使时 千有余岁 方懼尸位 苟禄貽前人之辱 抑犹翼凭公宠灵 回灾变而康世屯焉 程初君则久在兵间 誉望隆起 追远之义 符于旧典 覩山川之鬱蟠 念先生泽之未泯 其仁孝返本 靖恭匪懈之思 宜有油然而生者矣 遂谨书之以示后人 钦命头品顶戴兵部侍郎兼都察院右副都御史 巡抚湖南等处地方义门裔孙 义宁宝箴恭记

翰林院庶吉士临川李瑞清书 丹清光绪二十有三年岁在丁酉二月造